



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 32. Romanorum jubilus ob Alexandri electionem.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.

A. C. 1492.

ro Ambrosius Mirabili Nobilis Mediolanensis in Capitolio publica, eaque vere magnifica lætitiæ signa edidit, eoquod Senatoriæ dignitatis, qua sub Innocentii Pontificatu fungebatur, confirmationem obtinuisset. Joannes quoque Lopez, qui sub eodem Pontifice conscribendis Brevis Apostolicis præerat, Perusinus Episcopus renunciatus est, ejusque officium ad preces Cardinalis Ascanii Bernardino de Luna concreditum est.

§. XXXII.

Romanorum jubilus ob Alexandri electionem.

*Bern. Corius
par. 7.*

Postera die Senatores urbis, Conservatores populi, & regionum Præfecti vesperascente coelo equis vecti unacum ingenti Nobilium adolescentum comitatu solemnem pompam instituerunt, præcedentibus famulis, qui ex alba cera faculas gestabant. Ubi ad Vaticanum Palatium accesserant, ludum equestrem exhibebant, inde vero Palatii aream ingressi denuo solemni ejusmodi ludicro spectantium oculos recreabant, postea ex equo desilientes, summi Pontificis pedes osculaturi accurrebant, quos Alexander hac honoris testificatione lætus, perbenigne excepit. Die vigesima septima Augusti Papa cum ingenti magnificentia
de

de more possessionem Palatii ad S. Joan-
nem in Laterano accepit, ubi omnes pla-
teæ, per quas transibat, aulæis ornatæ
erant, ac distinctis in locis triumphales
arcus exsurgebant, non sine magna popu-
li admiratione, qui in nullius Papæ
solemnis ejusmodi apparatus conspe-
xerat.

Sæcul. XV.
A. C. 1492.

§. XXXIII.

*Nepos Pontificis ad purpuram
evehus.*

Ultima Augusti die summus Pontifex,
Patrum confessum habuit, ubi Joan-
nem de Borgia Hispanum inter Nepo-
tes suos primum, qui Montis Regalis
Archiepiscopus erat, Sacro Purpurato-
rum Collegio adscripsit, eumque ad titu-
lum S. Sulannæ vocavit.

§. XXXIV.

Auspicia Pontificatus Alexandri VI.

Communis erat omnium Principum læ-
titia, qui neo - electo Pontifici fau-
stam electionis suæ sortem solemnem lega-
tione gratulabantur, nec abs re ; nam
prudens agendi ratio, qua non solum an-
te obtentos summi sacerdotii honores,
sed etiam sub primis Pontificatus auspi-
ciis eminebat, ac præterea ejusdem
mansue-